

中國方志叢書·華北地方·第三四九號

據

清·張彥篤修·包永昌等纂  
清·光緒三十三年抄本

影印

甘肅省

洮州廳志

(一)

成文出版社有限公司印行



\*10098515\*

中國方志叢書·華北地方·第三四九號

據

清·張彥篤修·包永昌等纂  
清·光緒三十三年抄本

影印

甘肅省

洮州廳志

(二)

成文出版社有限公司印行



\*10098516\*

北氏披何

序

光緒丁未之夏五月余再任洮州入境之  
初即以江岔番案辦運糧路夫番境險絕  
非內地比加以道路生疎車馬維艱左支  
右絀拮据萬狀偶然有披圖之想考志乘  
則故府無有存者從搢紳家借觀之又以

兵燹之餘片紙隻字蕩焉無餘歎息者久之  
適奉

大府命令各屬通修邑志不禁躍然起曰  
是吾志也亟謀於邑之搢紳先生商度經  
費條例事宜聘宋呂祝汪諸君分司纂輯  
延包君世卿永昌為總纂但墜廢之餘補

苴實難幸諸君不辭勞瘁或求諸古籍或  
考之斷碣踴躍將事期於必成殆與余有  
同心焉余雖閭陋今得於簿書之暇與諸  
君酌古証今互相商確豈非幸事其體例  
則遵諸

大府其經費則邑之士庶紳耆共有力焉

局開於丁未八月至十月而書成前後計  
七十餘日余既嘉諸君同心合力故能相  
與有成又喜邑人士急公好義大有造於  
鄉里茲以編輯將竣諸君子以余之創始  
又願余之觀成也請余序之余按洮州為  
西番門戶西控番戎東蔽湟隴自古以來

為極邊要衝幸士風淳樸民俗簡陋機械  
變詐之習猶不多見宰斯邑者誠能察風  
土審人情潔己愛民輕徭薄賦則雖書役  
豪棍偶有不靖亦將革面洗心不敢逞其  
伎倆於光天化日之下余承乏斯土於今  
兩度風俗民物稍知梗概但其建置沿革

之異同山川人物之標映道里之遠近戶  
口之增減委曲繁重不能盡為後來者告  
非筆諸簡策傳之來茲則此邑之政事人  
民所藉以為後來治譜者猶未也語曰前  
事不忘後事之師余非敢望後之師此也  
甚願後之覽者藉以考鏡得失政之編者

勿使習為常俗之媮者勿使安於陋是則  
余之厚幸也至於記載之善否蒐輯之詳  
略草創之初不暇計焉刪繁補闕以俟後  
之君子

光緒三十三年歲次丁未冬十月知洮州  
廳事中州張彥篤序



洮水圖說

洮水出洮州廳西南之西傾山經廳南東流入岷州又折而北入臨洮府西南境盤東山中千數百里始經府城南又西北入蘭州境合湟水注於黃河 沙州記洮水出漲臺山漲臺即西傾也故洮水亦兼漲川之名以其西接黃沙又謂之沙漲其沙南北百二十里東西七十里西極大陽川則數百里不生草木蕩然黃沙其東則為洮漲自洮漲南北三百里中地草徧是龍鬚而無樵採 水經注洮水與蜀白水俱出西傾山洮水東北流經吐谷渾中又東北經狄道又北至枹罕而入於河諸縣

皆在洮東洮西悉羗人所居也蜀漢姜維與魏將郭淮夏侯霸戰於洮西匈奴白虎文率部落降維後姜維自枹罕趣狄道魏將王經前軍逆戰於故關關在洮水西蓋漢關故址不利經度洮水與維戰於洮西大敗晉咸和二年

涼將韓璞與趙將劉允夾洮相持七十餘日為允所敗宋元祐二年

羗酋鬼章城洮州以居熙河總管姚兪仲誼討之兵分兩路並洮

水而進兪部洮西擣講朱城在河州遣人走間道焚河橋絕西援誼部

洮東使岷州番將包順為前鋒由哥龍谷在城東北宵濟進至洮州壁青城岷大

敗鬼章兵復洮州

纂修洮州廳志職名 勸捐芳名註後

主修

花翎升用知府洮州撫番同知張彥篤 河南光山人

總纂

前廣東崖州知州丁丑進士包永昌

分纂

揀選知縣辛丑補行庚子恩科舉人宋育辰

甲午科副貢呂芳規

歲

廩

祝昌齡

生汪映奎

校閱

署洮州儒學教

授李文敏貢靜

揀選知縣癸巳恩科舉人

張增輝

廩

生徐生輝

監

生寇爰

廩

生劉鼎

商

總理經費

採訪

廩 廩 廩 廩 廩

人祝椿齡

生敏翰章

生丁啟元

生王含棠

生孫世選

生周鳳沼

歲 署 從 廩 廩 附 廩

八

膳寫

貢 角 九

汎

把

生楊作梁

總趙長銘

品李逢時

生王鳴鳳

生楊懷琛

生劉玉笑

生趙布鼎

廩附武

倫

繪圖

備

生陳昌齊

生賈希賢

生趙瑞

生曹有德

經理刻印

礦務學堂番語教習廩貢生丁裕謙